

Broj: 7901-9/18

Datum: 11.12.2018. godine

Na osnovu člana 64. stav 1. tačka a), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj: **7901-7/18 od 10.12.2018.** godine, u postupku javne nabavke **roba – Oprema za Odjeljenje za pedijatriju**, direktor Javne ustanove Opća bolnica „Prim. dr. Abdulah Nakaš“, je donio

### **ODLUKU** **o izboru najpovoljnijeg ponuđača**

#### **Član 1.**

**Prihvata se Preporuka Komisije za nabavku, broj: 7901-7/18 od 10.12.2018. godine** i Ugovor za javnu nabavku **roba – Oprema za Odjeljenje za pedijatriju** i to:

- 1.** Bolesnički krevet za standardnu njegu veliki – 10 komada,
- 2.** Bolesnički krevet dječiji do 6 godina – 5 komada,
- 3.** Bolesnički krevet dječiji od 4 do 15 godina – 5 komada,
- 4.** Generator za grijanje i hlađenje pedijatrijskih bolesnika – 2 komada,
- 5.** Noćni ormarić – 10 komada

odjeljuje se **ponuđaču „SEDŽAN INGENERING“ d.o.o. Sarajevo**, ponuda br. 0910/18, dostavljena dana **09.10.2018. godine**, za ponudenu cijenu od **108.980,00 KM bez uračunatog PDV-a**, kao najpovoljnijem ponuđaču.

#### **Član 2.**

Izabrani ponuđač se oslobađa obaveze dostavljanja originala ili ovjerenih kopija dokumentacije iz člana 45. i 47. Zakona o javnim nabavkama, obzirom da je iste dostavio uz ponudu.

#### **Član 3.**

Prijedlog Ugovora o javnoj nabavci roba dostaviće se na potpis izabranom ponuđaču nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

AP

#### Član 4.

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ ([www.obs.ba](http://www.obs.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

#### Član 5.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

#### Obrazloženje

Postupak javne nabavke pokrenut je Odlukom o pokretanju postupka javne nabavke broj: **7901-2/18 od 18.09.2018. godine.**

Javna nabavka je sprovedena putem **otvorenog postupka.**

Procijenjena vrijednost javne nabavke bez PDV-a je **110.000,00 KM** bez uračunatog PDV-a.

Obavještenje o nabavci broj: 1125-1-1-335-3-135/18, poslato je na objavljivanje dana **24.09.2018. godine**, a objavljeno je na Portalu javnih nabavki dana **24.09.2018. godine**, sažetak obavještenja o nabavci objavljen je u Sl. Glasniku BiH broj: **67/18 od 28.09.2018. godine.**

Komisija za nabavku, imenovana je Rješenjem broj: **7901-3/18 od 18.09.2018. godine.**

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: **7901-6/18 od 10.12.2018. godine**, Preporuku o izboru najpovoljnijeg ponuđača broj: **7901-7/18 od 10.12.2018. godine** i Izvještaj o radu broj: **7901-8/18 od 10.12.2018. godine**, u postupku javne nabavke roba – **Oprema za Odjeljenje za pedijatriju.**

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene 2 ponude,
- da su blagovremeno primljene 2 ponude,
- da nije bilo neblagovremeno primljenih ponuda,
  
- da je ponuda ponuđača „**SEDŽAN INGENERING**“ d.o.o. Sarajevo, kvalifikovana i prihvatljiva, dostavljeni su svi traženi dokazi propisani tenderskom dokumentacijom, na propisan način,
- da ponuda ponuđača „**REMEDIA**“ d.o.o. Tuzla nije kvalifikovana i prihvatljiva iz sljedećih razloga:

Ponuđač REMEDIA d.o.o. Tuzla u svojoj ponudi za predmetnu nabavku nije dostavio tražene dokaze kako slijedi:

- Izjavu o ispunjenosti uslova iz člana 45. stav (1) tač. od a) do d) Zakona o javnim nabavkama BiH koja je data kao Prilog/Aneks 4 na strani 48. tenderske dokumentacije
- Izjavu o ispunjenosti uslova iz člana 47. st. (1) tač. od a) do d) i (4) Zakona o javnim nabavkama koja je data kao Prilog/Aneks 5. na strani 49. tenderske dokumentacije
- Pismenu izjavu iz člana 52. zakona o javnim nabavkama koja je data kao Prilog/Aneks 13. na strani 63. tenderske dokumentacije
- Odgovarajući dokument / dokaz koji izdaje Centralna banka BiH, u skladu sa pozitivnim propisima, a kojim se dokazuje ispunjenje navedenog uslova da je najmanje jedan transakcijski bankarski račun ponuđača aktivan koji je tražen u odjeljku c) USLOVI ZA KVALIFIKACIJU PONUĐAČA u tački 3. Ekonomska i finansijska sposobnost – član 47. Zakona na strani 12. tenderske dokumentacije
- Potvrdu koju daje druga ugovorna strana o realizaciji ugovora koja je tražena u odjeljku c) USLOVI ZA KVALIFIKACIJU PONUĐAČA u tački 4. Tehnička i profesionalna sposobnost – član 48-51. Zakona na strani 13. tenderske dokumentacije
- Ovjerenu fotokopiju važećeg Rješenja Agencije za lijekove i medicinska sredstva BiH ili druge nadležne institucije da je ponuđač upisan u Registar veletrgovaca medicinskih sredstava koja je tražena u odjeljku c) USLOVI ZA KVALIFIKACIJU PONUĐAČA u dijelu POSEBNI USLOVI na strani 14 tenderske dokumentacije
- Ovjerenu fotokopiju važeće Potvrde Agencije za lijekove i medicinska sredstva BiH ili druge nadležne institucije da je medicinsko sredstvo registrovano (kreveti i generatori) koja je tražena u odjeljku c) USLOVI ZA KVALIFIKACIJU PONUĐAČA u dijelu POSEBNI USLOVI na strani 14 tenderske dokumentacije
- Dokaz o ispunjavanju EN, EN ISO standarda i direktiva koji je tražen u odjeljku c) USLOVI ZA KVALIFIKACIJU PONUĐAČA u dijelu POSEBNI USLOVI na strani 14 tenderske dokumentacije
- Izjavu ponuđača da će obezbjediti servis unutar 6 sati po pozivu Kupca koja je tražena u odjeljku c) USLOVI ZA KVALIFIKACIJU PONUĐAČA u dijelu POSEBNI USLOVI na strani 15 tenderske dokumentacije
- Izjavu ponuđača da će Servisna služba obavljati preventivni pregled isporučene opreme i zamjenjuje pokvarene odn. pohabane dijelove novim originalnim rezervnim dijelovima koje predviđa proizvođač tokom trajanja garantnog perioda koja je tražena u odjeljku c) USLOVI ZA KVALIFIKACIJU PONUĐAČA u dijelu POSEBNI USLOVI na strani 15 tenderske dokumentacije
- Certifikate tražene u tehničkoj specifikaciji koji su traženi u odjeljku c) USLOVI ZA KVALIFIKACIJU PONUĐAČA u dijelu POSEBNI USLOVI na strani 15 tenderske dokumentacije
- Certifikat servisera koji je tražen u odjeljku c) USLOVI ZA KVALIFIKACIJU PONUĐAČA u dijelu POSEBNI USLOVI na strani 15 tenderske dokumentacije
- Izjavu ponuđača da će obezbjediti rezervne dijelove za sve tipove kreveta još najmanje 5 godina od isporuke posljednjeg proizvoda tog tipa koja je tražena u odjeljku c) USLOVI ZA KVALIFIKACIJU PONUĐAČA u dijelu POSEBNI USLOVI na strani 15 tenderske dokumentacije
- Originalni katalog proizvođača ponuđene opreme koji mora biti preveden od strane Sudskog tumača na jednom od jezika u službenoj upotrebi u BiH (ukoliko se radi o opremi stranog proizvođača) koji je tražen u odjeljku c) USLOVI ZA KVALIFIKACIJU PONUĐAČA u dijelu POSEBNI USLOVI na strani 15 tenderske dokumentacije
- Godišnji plan održavanja kreveta i rezervnih dijelova i to još najmanje 5 godina poslije isteka garantnog roka koji je tražen u odjeljku c) USLOVI ZA KVALIFIKACIJU PONUĐAČA u dijelu POSEBNI USLOVI na strani 15 tenderske dokumentacije

- Dokumentaciju uključujući prospekte (original) i uputstva za upotrebu (kratka plastificirana uputstva – format A4 o rukovanju krevetom), montažu, demontažu, čišćenje i održavanje kreveta na jednom od jezika u službenoj upotrebi u Bosni i Hercegovini koja je tražena u odjeljku c) USLOVI ZA KVALIFIKACIJU PONUĐAČA u dijelu POSEBNI USLOVI na strani 15 tenderske dokumentacije
- Izjavu ponuđača da će obezbjediti preventivno održavanje i poslije isteka garantnog roka koja je tražena u odjeljku c) USLOVI ZA KVALIFIKACIJU PONUĐAČA u dijelu POSEBNI USLOVI na strani 15 tenderske dokumentacije
- Izjava ponuđača o okvirnom životnom vijeku trajanja kreveta koja je tražena u odjeljku c) USLOVI ZA KVALIFIKACIJU PONUĐAČA u dijelu POSEBNI USLOVI na strani 15 tenderske dokumentacije
- Garanciju za ozbiljnost ponude koja je tražena u odjeljku e) OSTALI PODACI u tački 1) garancija za ozbiljnost ponude, garancija za dobro izvršenje posla i svako drugo traženo obezbjeđenje za privremena plaćanja: na strani 24 tenderske dokumentacije
- Izjavu o prihvatanju roka, načina i uslova plaćanja koja je tražena u odjeljku e) OSTALI PODACI u tački 7) rok, način i uslovi plaćanja izabranom ponuđaču na strani 29. tenderske dokumentacije
- Izjavu o prihvatanju dostavljanja uzoraka na zahtjev ugovornog organa koja je tražena u odjeljku d) PODACI O PONUDI u tački 9) ukoliko se dostavljaju uzorci za robe, jasno opisati način na koji će se isti dostavljati na strani 21 tenderske dokumentacije
- Nacrt ugovora koji je dat kao Prilog/Aneks 8 na stranama od 52 do 58 tenderske dokumentacije
- Izjavu o dostavi garancije za uredno izvršenje ugovora koja je data kao Prilog/Aneks 10 na strani 60 tenderske dokumentacije
- Obrazac za povjerljive informacije koji je dat kao Prilog/Aneks 12 na strani 62 tenderske dokumentacije
- Obrazac sadržaja ponude koji je dat kao Prilog/Aneks 16. na strani 66 tenderske dokumentacije
- Izjava ponuđača da će nakon isporuke aparata vršiti edukaciju osoblja u prostorijama ugovornog organa i da je ista uračunata u ukupnu cijenu ponude koja je tražena u odjeljku c) USLOVI ZA KVALIFIKACIJU PONUĐAČA u dijelu POSEBNI USLOVI na strani 14 tenderske dokumentacije

Ponuđač REMEDIA d.o.o. Tuzla u svojoj ponudi za predmetnu nabavku dostavio je Obrazac „Tehnička specifikacija“ koji je dat kao Prilog/Aneks 3 na stranama od 39 do 47 tenderske dokumentacije u kome nije popunjena rubrika „Komentar“ iako je popunjavanje navedene rubrike zahtjevano u odjeljku b) PODACI O PREDMETU JAVNE NABAVKE u tački 5) tehničke specifikacije na strani 8. tenderske dokumentacije. Navedeni ponuđač dostavio je Spisak izvršenih ugovora koji je dat kao Prilog/Aneks 6. na strani 50 tenderske dokumentacije u kojem nije upisan nijedan ugovor, iako je Ugovorni organ u odjeljku c) USLOVI ZA KVALIFIKACIJU PONUĐAČA u tački 4. Tehnička i profesionalna sposobnost – član 48-51. Zakona na strani 12. tenderske dokumentacije zahtjevao Spisak izvršenih ugovora koji sačinjava sam ponuđač, na obrascu koji je sastavni dio ove tenderske dokumentacije (Prilog br. 6) najmanje jedan ugovor, čiji je predmet isti ili sličan kao što je predmet nabavke. Također, ponuđač REMEDIA d.o.o. Tuzla nije dostavio kopiju ponude koja je tražena u odjeljku d) PODACI O PONUDI u tački 1) sadržaj ponude i način izrade ponude na strani 18. tenderske dokumentacije.

Imajući u vidu gore navedeno, odbacuje se ponuda ponuđača REMEDIA d.o.o. Tuzla u skladu sa članom 68. stav (4) tačke b) i i) Zakona o javnim nabavkama.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponude, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom. Uvidom u priloženu dokumentaciju, nesporno je da su izabrani ponuđači najbolje ocijenjeni zbog:

**Ekonomski najpovoljnije ponude sa podkriterijima kako slijedi:**

- 1. Cijena - 80 bodova**
- 2. Garantni rok od izdavanja zapisnika o isporuci robe bez primjedbi - 20 bodova**

**Ukupan mogući broj bodova: 100**

**Najpovoljnija ponuda za navedenu nabavku:**

Red. broj	Naziv ponuđača	Kriterij za dodjelu ugovora – ekonomski najpovoljnija ponuda		
		Cijena (KM bez PDV-a) - 80 bodova	Garantni rok - 20 bodova	Ukupno bodova
1.	SEDŽAN- INGENERING d.o.o. Sarajevo	108.980,00 KM - 80 bodova	60 mjeseci - 20 bodova	100 bodova

Iz navedenih razloga, primjenom člana 64. stav 1. tačka a) Zakona o javnim nabavkama, člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

**POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

**Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.**

Žalba se podnosi u najmanje 3 (tri) primjerka.



**DIREKTOR**

*Zlatko Kravić*  
**Prim. dr. Zlatko Kravić**

**Dostaviti:**

- Ponuđaču: „**SEDŽAN INGENERING**“ d.o.o. Sarajevo
- Ponuđaču: „**REMEDIA**“ d.o.o. Tuzla
- Odjeljenje za ekonomsko-finansijske poslove
- Odsjek za javne nabavke
- Komisiji za javne nabavke
- a/a.